



Anna Wangenheim
Demokratit sinnerlugit Inatsisartunut ilaasortaq

§ 37 naapertorlugu apeqcutip nr. 108/2022-p akineqarnera.

03-06-2022
Suliap normua, 2022 - 11403
All. nr. 20215689

Asasara Anna Wangenheim

Postboks 1160
Oqarasuaat: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

1. Naalakkersuisut misissorsimanerpaat, kalaallit nakorsat kigutit nakorsaallu qassit, Danmarkimi allaniluunniit najugaqarnissartik qinersimanageraat?

Akissut:

Nakorsat kalaallit kigutillu nakorsaat kalaallit qassit Danmarkimi nunaniluunniit allani najugaqarnersut pillugit Naalakkersuisut sukumiisunik paasissutissaqanngillat.

Nakorsatut kigutillu nakorsaattut ilinniarsimasut pillugit Kalaallit Nunaanni Naatsorsueqqissaartarfik ima ilisimatitsivoq:

"2003-mili 44-t kandidatitut nakorsanngorlutik kigutilerisunngorput. Taakkunanit 23-t Kalaallit Nunaanni najugaqanngillat, aammalu 12-it ilinniarnertik naammassereerlugu Kalaallit Nunaanni najugaqalersimanatik. 44-sunit amerlanerit arnaapput.

Nalunaarsorsimasut 2003-p 2021-llu akornanni ilinniarsimammata aamma oqaatigineqassaaq."

Ilanngullugu oqaatigineqarsinnaavoq ukiuni arfinilinni nakorsanngorniartoqartartoq, nakorsarlu immikkut ilisimasaqalerluni ilinniaqqinniaruni ilinniarneq nalinginnaasumik ukiunik tallimanik sivilisinerusarluni. Immikkut ilinniartitaaneq nunatsinni taamaallaat ingerlanneqarsinnaasoq tassaavoq nakorsaatitut nalinginnaasunut (almen medicinimut) immikkut ilisimasaqalernissamut ilinniarneq. Suliassaqarfinni allani immikkut ilisimasaqalerluni nakorsanngorniarnertik tamakkiisumik ilaannakortumilluunniit nunani allani ingerlanneqartariaqarput. Taamaammat piffissami sivilisuummi immikkut ilisimasaqartutut nakorsanngorniartoqartarpoq,

taamaattumillu nakorsat ilaat kisitsisini ilaatinneqartut suli ilinniarnertik ingerlassinnaavaat tamannalu pissutigalugu nunatsinni najugaqaratik.

a. Naalackersuisut ilisimavaat, soq taakku Kalaallit Nunaata avataani najugaqarnissartik sulinissartillu qinersimaneraat?

Akissut: Naagga, Naalackersuisut pineqartut Kalaallit Nunaata avataani najugaqarnissartik atorfeqarnissartillu soq toqqarsimaneraat naluaat.

Aammattaaq apeqqut 1-imut akissut takuuk.

i. Namminersorlutik Oqartussanut misissuinissaq taamaattoq aningaasatigut allaffissornikkullu qanoq kinguneqassava, ersersitsisussaq, kalaallit nakorsat kigutillu nakorsaat qassit, Kalaallit Nunaata avataani najugaqarlutillu sulinissartik soq qinersimaneraat?

Akissut:

Nakorsat kalaallit kigutillu nakorsaat kalaallit Kalaallit Nunaata avataani najugaqartut atorfeqartullu pillugit misissuinermi aningaasatigut allaffissornikkullu kingunerisassanut tunngatillugu misissueriaaseq, misissuinerup annertussusaa misissuisussarlu apeqqaassapput. Taamaammat taamatut misissuinermi aningaasatigut allaffissornikkullu kingunerisassat Namminersorlutik Oqartussanit erseqqissumik akissutigineqarsinnaangilaq.

Aammattaaq apeqqut 1-imut akissut takuuk.

2. Naalackersuisut maannakkut suliniuteqarpat, nakorsanut kigutillu nakorsaannut kalaallinut Kalaallit Nunaanni najugaqarlunilu sulinissamut pilerinarninngortitsinissamut?

Akissut: Aap, Peqqinnissaqarfiup suliassaqarfimmi periusissiaq aallaavigalugu sulisussarsiortarneq aamma sulisut sulisoriinnarnissaat sulissutigaa.

Taamaattorli Nunani Avannarlerni peqqinnissakkut sulisussaaleqisoqarpoq, tamannalu ajornakusoortitsilluni.

a. Taamaassimappat paaserusunnarpoq suliniutit suut, eqqartorneqarnersut.

Akissut: Nakorsanngorlaat Kalaallit Nunaannut atassuteqartut Kalaallit Nunaanni KBU-mut (nakorsanut passussinermi tunngaviumik ilinniartitaanermut) qinnuteqarsimappata Kalaallit Nunaanni Peqqinnissaqarfik Dronning Ingridip Napparsimmavissuani Peqqissaavianilu KBU-mut inissanik qularnaveeqqusisarloq. Tassa imaappoq, qinnuteqartuusut *'Danmarkimi ilinniartitaanerni ingerlaqqiffiusuni kalaallit ilinniagaqalartarannut immikkut aaqqissuussineq'* aqutugalugu nakorsanngorniartuusut imaluunniit

Namminersorlutik Oqartussanit immikkut ittumik tapiiffiqarsimasut imaluunniit tapiissuteqarsinnaatitaallutik nakorsanngorniartuusut.

Kalaallit Nunaanni Peqqinnissaqarfimmi atorfinitsitsinerni tamani kalaallit oqaasiinut kulturianullu ilisimasaqarneq iluaqutaasupilussuusarpoq. Qinnuteqartut tamakkuninnga ilisimasallit inuttassarsiuinermi inissisimalluortarput salliutinneqartarlutillu.

Tamatuma saniatigut Peqqinnissaq pillugu ataatsimiititaliarsuaq, eqimattani marluusuni, sulisussarsiorarneq sulisullu sulisorineqaannarnissaannut tunngassutilinnik suliaqarpoq. Tamatumani nalunaarusiortoqarpoq arlalinnik innersuussutitalinnik, taakkualu Peqqinnissaq pillugu ataatsimiititaliarsuarmit inaarutaasumik akuerineqassapput.

Inussiarnersumik inuulluaqqusillunga
Med venlig hilsen



Mimi Karlsen